

671.1457
084
13

河

新

河

縣

志

典禮門(經政考之八)

前代典禮

〔一〕朝賀

元旦冬至萬壽節是爲三大節於公所正中設香案南向奉皇歲萬歲龍牌於上是日五鼓文武官朝服畢集禮生引班至丹墀下文東武西班齊趨就拜位恭行三跪九叩禮

〔二〕宣讀

每逢有詔至知縣率僚屬師生人等龍亭儀仗鼓樂郊迎至縣署大堂奉於正中設香案文武官於階下東西立紳士班次於文官之末耆老軍民班次於武官之末北面行三跪九叩禮賚詔官趨上奉詔跪送接詔官跪接宣讀訖復行三跪九叩禮

迎赦詔附

詔赦至知縣率僚屬師生人等具龍亭綵輿儀仗鼓樂郊迎行禮前導朝使在亭輿行至大堂朝使立於龍亭之東西司贊者曰衆官排班班齊作樂拜畢朝使捧詔書授展讀官開案宣讀衆官皆跪聽訖仍捧詔授朝使安龍亭中衆官拜畢知縣詣移上龍亭前跪問聖躬萬福朝使鞠躬答曰聖躬萬福乃退易服見朝使禮畢復具鼓樂送龍亭供官亭

照康熙志祠祀志增

(三)祀典

子 文廟栗位及禮儀崇奉祠附

甲栗位 至清代始升祀者附註其年月

壹文廟

(一)大成殿 供至聖先師孔子

(二)四配 復聖顏子西向 宗聖曾子東向 述聖子思子西向 亞聖孟子東向

(三)十二哲 先賢十二 閔子 冉子 仲弓 端木子 仲子 卜子 有子 乾隆三年升十二哲東第六位以

上西 冉子伯牛 宰子 冉子子有 言子 顓孫子 朱子 康熙五十一年升十二哲西第六位以上東向

(四)東廡七十二位

(1)先賢 公孫倚咸豐七年從祀 林放 雍正二年從祀 原憲 南宮适 商瞿 漆雕開

司馬耕 梁鱣 冉儒 伯虔 冉季 漆雕徒父 漆雕哆 公西赤

任不齊 公良孺 公肩定 鄒單 罕父黑 榮旂 左人郢 鄭國 原亢 廉潔

叔仲會 公西輿如 邾巽 陳亢 琴張 步叔乘 秦非 顏噲 顏何 雍正二年從祀

縣竄 雍正二年從祀 牧皮 樂正克 雍正二年從祀 萬章 雍正二年從祀 周敦頤 程顥 邵雍

(2) 先儒

公羊高

伏勝

毛亨 同治二年從祀

孔安國

后蒼

鄭康成 雍正二年復祀

范文子 雍正

二年復祀

陸贄 道光六年從祀

范仲淹 康熙五十四年從祀

歐陽修

司馬光

謝良佐 道

光二十九年從祀

羅從彥

李綱 咸豐元年從祀

張栻

陸九淵

陳安卿 雍正二年從

祀 眞德秀

何基 雍正二年從祀

文天祥 道光二十三年從祀

趙復 雍正二年從祀

金

履祥 雍正二年從祀

陳澧 雍正二年從祀

方孝儒 同治二年從祀

薛暄

胡居仁

羅欽

順 雍正二年從祀

呂柟 同治二年從祀

劉宗周 道光二年從祀

孫奇逢 道光八年從祀

張履

祥 同治十一年從祀

陸隴其 雍正二年從祀

(五) 西廡七十二位

(1) 先賢

蘧瑗 雍正二年復祀

澹台滅明

宓不齊

公冶長

公皙哀

高柴

樊須

商

澤 巫馬施

顏辛

曹卹

公孫龍

秦商

顏高

壤駟赤

石作蜀

公

夏首 后處

奚容蒧

顏祖

句井疆

秦祖

縣成

公祖句茲

燕伋

樂欬

狄黑

孔忠

公西蒧

顏之僕

施之常

申棖

左邱明

秦冉

雍正二年復祀 公明儀咸豐三年從祀 公都子雍正二年從祀 公孫丑雍正二年從祀 張載

程頤

(2) 先儒

穀梁赤 高堂隆 董仲舒 毛長 杜子春 諸葛亮雍正二年從祀 王通 韓愈

胡瑗 韓琦咸豐二年從祀 楊時 尹焞 雍正二年從祀 胡安國 李侗 呂祖

謙 黃幹雍正二年從祀 袁燮同治七年從祀 蔡沈 魏了翁雍正二年從祀 王柏雍正

二年從祀 陸秀夫咸豐九年從祀 許衡 吳澄乾隆二年復祀 許謙雍正二年從祀 曹端

咸豐十年從祀 陳獻章 蔡清雍正二年從祀 王守仁 呂坤道光六年從祀 黃周道

道光五年從祀 陸世儀光緒二年從祀 湯斌道光三年從祀

貳 崇聖祠

崇聖祠祀肇聖王木金父公 裕聖王祈父公 詒聖王防叔公 昌聖王伯夏公 啓聖王

叔梁公

東配先賢 孔孟皮咸豐七年配饗 顏無繇 孔鯉

西配先賢 曾點 孟孫激

從祀東西相向

先儒 周輔成 張迪 程响 朱松 蔡元定

按崇聖祠及兩廡先賢先儒位次於同治二年重加釐正此其序也今並散佚

乙釋奠

今致祭之禮雖存而儀式大異一切祭品祭禮不復如往日之詳備繁瑣矣今照錄康熙光緒諸舊志釋奠之文用存昔日典禮之制

先師廟祀孔子以四配配享以十哲從祀東廡列金鄉子澹臺滅明而下五十五位西廡列單父子宓不齊而下五十五位明隆慶壬申薛暄位呂祖謙下萬歷乙酉入王守仁陳獻章胡居仁於薛暄下其祭用春秋仲月其日用丁其牲帛祝號及奠獻皆有儀式

古制每歲二八月上丁日祭先三日各官齋戒沐浴樂舞生演樂職事生習禮先一日省牲刑牲大成殿正位設爵三登一罇二罇二簋十豆十帛一牛一羊一豕一鐘一鐃二左右尊案各一太羹實登和羹實錫黍稷實簋稻粱實簋刑饔饔魚鹿脯棗栗榛菱芡白餅黑餅實籩韭菹芹菹菁菹笋菹醯醢鹿醢兔醢魚醢脾析豚胎實豆帛在筐牛羊豕在俎設樂器十六舞器十六司樂共六十四人

配位東西各設爵三鋪二簋二簋二簋八豆八羊一豕一鑪一鐙二帛二共一簋

哲位東西各設爵三鋪一簋一簋一簋四豆四羊一豕一鑪一鐙二帛六共一簋

兩廡東西同二位合一案每案設爵二簋一簋一簋四豆四鑪一鐙二帛二共一簋合廡共設三豕羊三豕三共設尊案一

崇聖祠正位五案每案設爵三鋪二簋二簋二簋八豆八羊一豕一鑪一鐙二帛五共一簋左右尊案各一

案舊志稱啟聖祠祀啟聖公孔氏以顏曾思孟父配享以程朱張蔡父從祀祭期與文廟同祝文曰某年某月某日某官某等致祭於啟聖公孔氏之神曰維公誕生至聖爲萬世王者師功德顯著茲因仲春或秋告祀以先賢顏氏先賢曾氏先賢孔氏先賢孟氏配尙享

配位東西各設爵三鋪一簋一簋一簋四豆四羊一豕一鑪一鐙二東帛三共一簋西帛二共一簋

東西從祀各設爵三簋一簋一簋四豆四羊一豕一鑪一鐙二東帛三共一簋西帛二共一簋

祭之日五更正獻分獻各官執香迎神奏昭平之章正獻官三上香偕分獻官詣四配十二哲

兩廡三上香各復位行三跪九叩禮奠帛爵行初獻禮奏官平之章樂舞生舞第一成正獻官升階跪先師位前獻帛爵跪三叩捧祝所至殿中跪分獻各官皆跪司祝者誦祝曰維師德隆千聖道貫百王揭日月以常行自生民而未有屬文教昌明之會正禮節和樂之時辟雍鍾鼓咸恪薦於馨香泮水膠庠益致嚴於籩豆茲當仲春祇率彝章肅展微忱聿昭祀典以復聖顏子宗聖曾子述聖子思子亞聖孟子配尙饗光緒志

考康熙志載祝文曰維某年歲次某某月朔某日某某日祭官官銜某等敢昭告於至聖先

師孔子曰惟師德配天地道冠古今刪定六經垂憲萬世茲惟仲春秋謹以牲帛醴齊粢盛

庶品式陳明薦以復聖顏子宗聖曾子述聖子思子亞聖孟子配尙享錄長熙志祠廟志文廟節

讀祝畢正獻官分獻官均行三叩禮分獻官即詣四配十二哲兩廡跪奠獻爵儀同復位亞獻

禮如初獻奏秩平之章樂舞生舞第二成終獻禮如亞獻奏叙平之章樂舞生舞第三成獻畢

各復位飲福受胙正獻官至殿中跪飲福受胙三叩復位偕分獻官均三跪九叩徹饌奏懿平

之章徹饌畢送神奏德平之章各官均行三跪九叩禮送祝帛燎所望燎畢各退

樂章附

一・昭平樂章迎神曰大哉孔子先覺先知與天地參萬世之師祥徵麟紱韻答金絲日月

既揭乾坤清夷

〔附〕康熙舊志迎神樂章曰大哉孔子聖神尊崇維持王化斯民崇祀典有常精純並隆神其來格於昭聖容

二・奠帛曰自生民來誰底其盛惟師神明度越前聖案帛具成禮容斯稱黍稷非馨維德之聽康熙志

三・宣平樂章初獻曰予懷明德玉振金聲生民未有展也大成俎豆千古春秋上丁清酒既載其香始升

〔附〕康熙舊志初獻樂章曰大哉聖師實天生德作樂以崇時祀無斁清醑維馨嘉生孔碩薦修神明庶幾昭格

四・秋平樂章亞獻曰式禮莫愆升堂再獻響協鼗鐘誠孚疊獻肅肅雍雍譽髦斯彥禮陶樂淑相觀而善

〔附〕康熙舊志亞獻樂章曰百王宗師斯民物軌瞻之洋洋神其寧止酌彼金罍維清且旨登獻維三於嘻成禮

五・叙平樂章終獻曰自古在昔先民有作皮弁祭菜於論思樂惟天牖民惟聖時若彝倫

攸叙至今木鐸

按康熙舊志終獻樂章與亞獻同

六、懿平樂章

徵舞

曰先師有言祭則受福四海養宮疇敢不肅禮成告徹毋疏毋怠樂所

自生中原有菽

〔附〕康熙舊志徹饌曰犧牲在前俎豆在列以享以薦既芬既口口口口備人和神悅

祭則受福率遵無越

七、德平樂章

送神曲

鳧繹義義洙泗洋洋景行行止流澤無疆聿昭祀事祀事孔明化我

蒸民育我膠庠

〔附〕康熙舊志送神曰有嚴學宮四方來宗恪恭祀事威儀雍雍歆茲口口馨神馭還復禮

斯畢咸膺百福

按康熙舊志稱奠瘞樂章同送神

崇聖祠祭之日以三更著錄不先祖之義承祭官一跪三叩詣神位前上香又詣四配兩廡位前上香如儀復位三跪九叩奠帛行初獻禮詣神位前跪一叩獻爵奉祝版讀祝曰維王奕葉鐘祥光開聖緒盛德之後積久彌昌凡聖教所覃敷率循源而溯本宜肅明禋之典用申守土

之忱茲居仲

春秋

修祀事配以先賢顏氏先賢曾氏先賢孔氏先賢孟氏尙饗

讀祝畢承祭官三叩詣是配兩廡奠帛獻爵各如儀復位亞獻奠爵於左終獻奠爵於右四配

兩廡畢獻徹饌送行神三跪九叩禮送祝帛燎所望燎畢各退

附禮器 案 桌 爵 登 鉶 簠 簋 簠 豆 簠 俎 尊 鐘 鐙 即燭檠 祝

版 燎架 以上祭用 麾 罇 鍾 編鍾 特磬 編磬 琴 瑟 排簫 簫 笛 壎 篪

笙 鼓 搏拊 祝 敔 以上樂用 節 翟 簫 以上舞用

丑社稷壇 祀社稷之神每歲春秋仲月上戊日爲民祈報陳帛各一罇二簠簋各二籩豆各

四爵一爵三羊一豕一鷄鳴主祭官陪祭官文東武西至階拜迎神主祭官詣壇上香案前奉

香復位行三跪九叩禮陪祭官各隨行禮奠帛獻爵跪讀祝文主祭官暨各官行三叩禮亞獻

終獻如儀徹饌送神三跪九叩送祝帛燎所望燎畢退

祝曰維神奠安九土粒食萬邦分武士以表封圻育二農而蕃稼穡恭承守土肅展明禋

時屈仲春或秋敬修祀典庶丸丸松柏鞏磐石於無疆翼翼黍苗佐神倉於不匱尙饗

〔以下壇壝〕

寅先農壇 每歲三月亥日陳帛一罇一簠簋各二籩豆各四尊一爵三羊一豕一鐘一鐙二

儀與社稷壇同祝文曰維聖肇興稼穡粒我蒸民頌思文之德克配彼天念率育之功陳常時夏茲當東作咸服先疇洪惟九五之尊歲舉三推之典恭應守土敢忘勞民謹奉彝章聿祀事惟願五風十雨嘉祥恆沐於神庥庶幾九穗雙岐上瑞頻書於大有尙饗

卯神祇壇

每歲春秋仲月擇日致祭

康熙志云與社稷神同日祭

壇在光緒時卽已久廢遂於先農壇正中

設案南向奉風雲雷雨神之位居中境內山川神之位居左城隍神之位居右以合祭之行常零體陳帛七銅二蠶簋各二籩豆各四尊一爵二十有一羊一豕一鱸一鐙二主祭官陪祭官上香行禮與社稷壇同祝文曰維年月日致祭於風雨雷雲山川城隍之神曰維神贊勳天澤福佑蒼黎佐靈化以流行生成永賴承氣饑而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰敬潔豆籩祇陳牲帛尙饗

又舊有零祭祝文曰恭膺詔命撫育羣黎仰體 彤廷保赤之誠勸農勸稼俯惟蔀屋資生之本力穡服田令甲爰頒肅舉祈年之典惟寅將事用申守土之忱黍稷惟馨尙冀明昭之受賜來牟率育庶俾風雨於蓋藏尙饗

辰呂厲壇 每歲清明節七月望(中元)十日朔祭於北郊具香燭各官先詣城隍廟上香三

叩請神入壇設位於中陳羊三豕三米飯三石尊酒楮帛守土官三叩焚楮帛祝曰維年月日致祭於城隍暨閭境無祀鬼神曰幽明異路守土維均命折殊名求食岡異惟聰明正直而一有以作之鑒觀庶蒸蒿悵之情無不極其情狀爰尊定制聿修明禋凡斯無祝之魂俱屬有生之類爲男爲女姓莫紀於官商是故是新代可稽於子丑號風嘯雨斷子姓而疇依附草棲烟絕姻親其何託謹設壇於城北仰主祭於尊神維茲中元（禁烟或寒衣）之節敬備牲醴肅具羹飯統一境之幽魂索羣靈而大享鬼言歸也庶幾望壇遠而知歸神之格思尙其薦馨香而來格尙饗

考康熙志云城隍廟每月朔望令長率僚幕祇謁行四拜禮掌印新官下車必祭告上任或祈晴雨興舉大事必先祭告 土地祠亦於每月朔望令長率僚幕展謁如城隍儀行兩拜禮新任掌印官下車謁神如朔望禮

已關帝廟 每歲春秋中月諫吉及五月十三日均味爽致祭於前殿正獻官陳帛一鏹二盞簋各二籩豆各十登一尊一爵三牛一羊一豕一鑪二設樂分獻官於後殿祭帝以上三代案三帛各一鏹三盞簋各二籩豆各八籩各一爵三羊一豕一鑪二爵二祭之日前殿主祭官殿門外跪奉香詣案前三上香復位跪行三跪九叩禮後殿詣案前上香行兩跪六叩奠帛

獻爵奉祝跪讀前後殿祝文前殿祝文曰惟帝浩氣凌霄丹心貫日扶正統而彰信義威震九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異蹟顯佑羣生恭遇嘉辰遵行祀典筵陳籩豆几奠牲醪尙饗後殿祝文曰爲公世澤貽庥靈源積慶德能昌後篤生神武之英善則歸親宜享尊崇之報列上公之封爵賜命優隆合三世以肇禋典章明備恭諏吉日只事荐馨尙饗讀畢行三叩禮亞獻如初獻儀終獻如亞獻儀後殿亦以次畢獻送神前殿主祭官行三跪九叩禮後殿分獻官行兩跪六叩禮各送祝帛望燎退如儀〔以下祠廟〕

午文昌帝君 清嘉慶六年欽奉諭旨祭儀仿照關帝廟定例舉行每歲春以二月初三日聖誕爲祭期秋以欽天監選定吉日爲祭期編入祀典其前殿祝文曰神蹟爲著西樞宿還北極六匡麗曜協昌運之光華累代垂靈爲人文之主宰扶正久昭夫感召荐馨宜致其尊崇茲居仲春〔或秋〕用昭時祀尙其歆格鑒此精虔尙饗後殿祝文曰祭引先河之義禮崇返本之思矧夫世德彌光賞賚斯及祥鍾累代昭列宿之精靈化被千秋爲人文之主宰是尊後殿用答前庥茲居仲春〔或秋〕肅事祀用申告潔神其來格尙饗

未龍神馬神衛神 闔境土地神俱春秋仲月上戊日祭

申八蜡神 擇日祭祝文曰伊耆始蜡義主報功先齋司齋遂及我農繁郵表囑坊與冰庸貓

虎威列害除昆蟲惟年順成八蜡始通神其款格錫我屢豐尙饗

康熙志稱其祭在春秋仲月其日在戊

西魁星閣 春秋上丁日祭

成四祠 名宦祠以祀仕於茲土有功德者在大成門外左邊北屋三楹舊祀盡督撫藩臬諸

公同治七年更正

鄉賢祠 以祀本地德行著聞者在大成門外右邊北屋三楹同治五年訓導張暄重修

以上二祠

今分設實業局及財政所

忠義孝弟祠 以祀本地忠臣義士孝子悌弟順孫在孺學儀門之左北屋三楹同治十二年

邑民捐資修理

節孝祠 以祀本地節孝婦女在儒學儀門之右北屋三楹咸豐七年邑民重修

以上二祠現爲女子學校借用

四祠每歲春秋仲月於釋奠禮畢後致祭教官一員主祭陳籩豆各四羊豕各一鑪一鐙一主

祭官上香一跪三叩誼祝畢一跪三叩祝帛燎所退其祝曰

(一)名宦祠 卓哉羣公懋修厥職澤被生靈功垂社稷值茲仲春(或秋)用申薦享神其鑒

此來嘗尙饗

(二) 鄉賢祠 於維羣公鍾秀茲邦懿德美行奕世流芳時維仲春(或秋)敬修祀典神其有靈歸於几筵尙饗

(三) 忠義孝弟祠 維靈秉賦貞純躬行篤實忠誠奮發貫金石而不渝義問昭宣表鄉閭而共式祇事懋彝倫之大性摯我蒿克恭念天顯之親情殷棣萼模楷感推夫懿德綸音特闡其幽光祠宇維隆歲時式祀用陳靈篚來格几筵尙饗

(四) 節孝祠 維靈誠心皎潔令德委嘉天志完貞全閨中之亮節竭誠致敬彰閭內之芳型茹冰蘖而彌堅清操自勵奉榮區而匪懈彤管傳徽絲綸特沛乎殊恩祠宇昭垂於令典祇循歲祀式荐尊醪尙饗(錄康熙志)

(四) 耕藉

耕田四畝九分每歲先農禮畢耕藉各官易蟒服正印官秉耒佐貳執青箱播種耕時用耆老一人率牛農夫二人扶犁各九推九返退農夫終畝各望闕行三跪九叩首禮農俱用赤牛黑箱青籽種從其土宜歲收之穀石除糴盛用過外造冊報布政司送戶部覈實

(五) 迎春

迎春先立春二日於東郊造芒神土牛立春在十二月望後芒神執策當牛肩在正月朔後當

新河縣志

前代典禮

牛復在正月望後當牛膝示民農事早晚立春日吏設案在芒神前陳香燭果酒正印官在前餘以次序列行一跪三叩禮酌酒三復行三叩禮各官執采杖還立繫土牛三巡退光緒志

(六) 日月食

日月薄蝕各官班齊行三跪九叩禮陰陽官報初虧各官伐鼓三儀門外金鼓大作陰陽官報復圓金鼓聲止行禮如初各退今日每值日月食鄉間猶有鳴鑼擊銅器之禮焉

(七) 讀法

讀法於城中及鄉邨巨堡設立講約之所揀選老成者一人爲約正再擇樸實謹守者三四人爲直月朔望齊集耆老人等宣讀聖諭廣訓及各律條明白講解俾家喻戶曉教官仍不時巡行宣導考會典三九七卷禮部稱其有地方官奉行不力者督撫查叅故終清之世其禮未廢

(八) 到任

新官到任先謁城隍廟次至署祭儀門祭土地祠步入露臺望闕行禮陰陽生報時吏房開任用任升座排衙參各色人等

(九) 朔望